



Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt X. Quemadmodum dicat Augustinus maiorem nunc libertatem necessariam esse quam fuerit in primo statu.

[urn:nbn:de:hbz:466:1-46059](#)

& tu dominaberis illius. Namque sancti modò, ad quos pertinet liberationis gratia, adhuc in malis sunt variis, ex quibus clamant ad Dominum: Libera nos à malo. Tenemus, ait Augustinus in Psalm. 64. lucem, umbra transiuit; sed tamen adhuc in quadam captiuitate sumus: quamdiu enim sumus in corpore, peregrinamur à Domino. Si autē hīc se quis inuenierit ciuem Hierusalem, toleret captiuitatem, speret libertatem. Ille verò primus, quo cadente nos quoque corruimus, in suis bonis morte Christi non egebat, nec opus habebat eo adiutorio quod implorant isti, cùm dicunt: Video aliam legem in membris meis, repugnantem legi mentis meæ. In quo certamine laborantes ac periclitantes, dari sibi pugnandi vincendique virtutem per Christi gratiam poscunt.

CAPUT X.

Quemadmodum dicat Augustinus maiorem nunc libertatem necessariam esse quām fuerit in primo statu.

MAIOREM sanè Augustinus libertatem nunc sanctis necessariam esse docet, quām primis hominibus donata sit. verūm maiorem, id est, potentiorēm, non pleniorēm atque integriorem dixit. Sic enim scriptum reliquit cap. i i. lib. de corrept. & gratia: Proinde etsi non interim latiore nunc, veruntamen potentiore gratia indigent isti. Et quæ potentior gratia, quām vnigenitus Dei Filius pro eis homo factus, & ab hominibus peccatoribus crucifixus? Itaque maior, inquit, libertas est necessaria, aduersus tot & tantasten-tationes, quæ in Paradiſo non fuerunt, dono persecutantia munita atque firmata: ut cum omnibus amori-bus, terroribus, erroribus suis vincatur hic mundus, hoc sanctorū martyria docuerunt. Denique ille Adam & terrente nullo, & insuper contra Dei terrentis imperiū libero ysus arbitrio, non stetit, in tanta felicitate, in tanta

*illa maior se-
cundum exten-
sionem, ista
mator per in-
tensionem.*

in tanta non cadendi facilitate. Isti autem, non dico terrente mundo, sed sanguine ne starent, steterunt in fide: cum videret ille bona praesentia quae erat relictus; isti futura quae accepturi erant, non viderent. Vnde verò hoc, nisi donante illo, à quo misericordiam consecuti sunt, ut fideles essent, à quo accepérunt spiritum non timoris, quo persequentibus cederent; sed virtutis & charitatis & continétiæ, quo cuncta in instantia, cuncta in uitantia, cuncta cruciantia superarent. Illi ergo sine peccato ullo data est voluntas libera: & eam fecit seruire peccato. horum verò cum fuisset voluntas serva peccati, liberata est per illum qui dixit: Si vos liberauerit Filius, verè liberi eritis. Et accipiunt tantam per istam gratiam libertatem, ut quamvis dum hinc vivunt, pugnent contra concupiscentias peccatorum, eisq[ue] nonnulla subrepant propter quae dicant quotidie, Dismette nobis debita nostra; non tamen ultra seruant peccato, quod est ad mortem: non prīma conditione sicut ille liberi, sed per secundum Adam Dei gratia liberati, & ista liberatione habentes liberum arbitrium, quo serviant Deo, non captiuentur à diabolo. Libera- ti enim à peccato, servi facti sunt iustitiæ: in qua stabunt usque in finem, donante sibi illo perseverantiam, qui eos præscivit & prædestinavit, & secundum propositum vocavit, & iustificavit, & glorificavit. Ut autem non acciperet hoc donum Dei primus homo, sed perseverare vel non perseverare in eius relinqueretur arbitrio, tales vires habebat eius voluntas, quae sine ullo fuerat instituta peccato; & nihil illi ex seipso concupiscentialiter resistebat: ut dignè tantæ bonitati & bene viuendi facilitati, perseverandi committeretur arbitrium. Nunc verò posteaquam est illa magna, peccati merito, amissa libertas, etiam maioribus donis adiuuanda remansit infirmitas. Hactenus diuus Augustinus, cuius quodd esset in hoc argumento luculenta

T 2

proflux

292 DE CHRISTIANA LIBERTATE
prosperus oratio, propterea prolixius commemoranda
& inserenda verba putauimus.

CAPUT XI.

Pleniorum multo fore libertatem in vita futura, quam
fuerit primorum hominum ante lapsum.

QVANQVAM igitur nunc Spiritus sancti poten-
tiore gratia fideles indigeant, qua si etiam vi-
velint, & tantum velint tantoque ardore diligent, vi-
carnis voluntatem contraria concupiscentem, volun-
tate spiritus vincant: tamen in illo primo felicitatis
statu, lætior gratia fuit, plenam & integrā a peccato
omniisque alio genere malorum afferens homini liber-
tatem. Tamēli autem ita tum plena libertas fuit, vi-
nulla hominis pars premeretur seruitute: erat tamen
hominī, si persistisset, paratum quo illa misericordie ange-
retur. Quid enim liberius fuisset libero arbitrio, quan-
do id iam omnino non posset seruire peccato? Quæ li-
bertas futura erat homini, sicut facta est angelo, mer-
ces meriti sui: sed eo per inobedientiam sic perditio, vi-
ad promerendi recuperandam facultatem, ope libera-
toris egeremus: sicut per Christum ad eum h̄ic liberta-
tis gradum adducimur, vt legi Dei vel mente serua-
mus; ita ad illam perfectionem libertatis, eiusdem be-
neficium sumus eueniendi, in qua peccare omnino non
queamus: quando videlicet animus tanta satiabitur
visione, & tanta inflammabitur charitate superioris
boni, vt ad seipsum sibi placendo deficere ab illius de-
lectatione non possit: quando videbit suum &
commutabile bonum, in cuius comparatione sper-
nat, sibiique illius charitate vilescat; tantoque eius spi-
ritu implebitur, vt id sibi non ratione sola, sed æterno
quoque amore præponat. Neque vero tunc idcirco li-
berum non habebit arbitrium, quod eum amplius de-
lectare peccata non poterunt. Quippe cum vitium sit
arbitrij humani, cum delectatione peccare: tanto erit
libe-